

梁藻城 著

風雨冰晴詩詞

風雨冰弦書屋詩詞集

二零零一年七月

順印准字第20010114號

打 印：黃志豪

葉毅雯

編 校：周冠登

岑鑒興

葉春明

封面題字：周冠登

風雨冰弦書屋詩詞集

梁藻城 著

*

通訊地址：廣東省順德市容桂鎮翠竹路積純祠巷五號

郵政編碼：五二八三零五

自序

感激天賜予一白倏、八十載俯仰之間
庶幾無愧之我、感激天賜予一白歷冬風雪
沉寢現仍健飯之我、更感激天賜予一白方
客其窮大却不勒之慧業、宿儒疾首字
士冷眼之我、嗚呼日月滄海、氣象森嚴、涓
滴微埃、溯予以界、收拾凡花一卷、拋殘心血
廿年、斯亦曾強到此一游、之、近大當言而已、未
有我前、既生我後、鴻飛鶴返、天道茫茫、
倘為得是頁、懷魚一腔、懷然、供人指
摘笑罵、亦快哉、故鄉有山有水、有樹有桂、

吟以以。猗以。底朽。百子郎前。此集之成。六端
賴。各友好。目。乃。援。之。始。克。鄭。重。感。之。以。此
天上人尚。又添一段感激。因緣矣。賈和春。二句
三。重。一。吟。雙。淚。流。殊。覺。之。情。可。憫。之。狀。可。掬。焉。
妻。情。多。事。難。喻。以。歌。僕。在。於。釋。負。勞
上。之。餘。以。而。大。晦。之。夕。執。此。數。化。福。以。解。悶。澆
然。吟。之。唱。之。我。猶。沈。沈。於。於。振。第。二。時。以。雨
聲。哀。樂。聲。弦。管。聲。唱。之。大。作。幾。忘。却。人。間
何。世。今。此。樂。已。成。陽。世。矣。然。夫。之。之。偏。既。談。誰
就。於。吾。妻。回。年。忘。琴。之。前。淡。淡。浪。浪。易。心
香。有。塵。兒。在。不。知。云。漢。落。城。序

自序

感激天賜予一個悠悠八十載俯仰之間庶幾無愧之我。感激天賜予一個歷盡風雪泥途現仍健飯之我。更感激天賜予一個方吝其薪火卻不靳其慧業令宿儒疾首學士冷眼之我。嗚呼！日月滄海，萬象森嚴。涓滴微埃，渺予何界。收拾風花一卷，拋殘心血廿年，斯亦到此一游之過客留言而已。未有我前，既生我後。鴻飛鶴返，天道茫茫。倘留得幾頁蟲魚，一腔情怨，供後人指摘笑罵，不亦快哉。故鄉有山有水，有榕有桂，可吟可臥。猥以廢朽，百事郎當。此集之成，亦端賴各友好鼎力援手，始克鄭重藏事。從此天上人間又添一段感激因緣矣！賈和尚二句三年，一吟雙淚，殊覺其情可憫其狀可掬焉！

妻諳文事，雅嗜行歌。僕每於釋負勞止之餘，風雨如晦之夕，輒將戲作，移以解悶澆愁。吟之唱之。我摘阮、冠登擲笛。一時風聲雨聲、哀樂聲、絃管聲、嗚嗚大作。幾忘卻人間何世。今此樂已成隔世矣。悲夫！是編既竣，謹獻於吾妻週年忌祭之前，熒熒淚燭，裊裊心香，前塵宛在，不知所云。

梁藻城序於風雨冰弦書屋

新春向各好友致問

短語支離幾首詩
寒溪花草笑違時
沉沉百感翁仍健
願借春風繫吉詞

村居夜話

疏籬燈火溪之南
明月不來約二三
每覲名山何傲岸
新知小友亦奇男
遊心物外應無悶
鬱梗胸中似有痰
狂疾難醫宜避地
閉門山海有奇談

讀金庸小說

笑傲江湖未可期
琴心劍膽至今悲
不觀日月神魔會
儘是侏儒雨露詞
文匠厚顏封進步
稗官末席敢違時
堪嗟雁落女神妖
未及堂堂一布衣

訪潮州韓文公祭鱸處

少日青篇夜夜寒
夢魂猶戀海潮灘
征塵逐逐花溪客
遺迹茫茫古鱸瀾
只覺傳奇難盡信
果然醜類便悛頑
甘棠有愛添枝葉
不見江山多姓韓

七律 自嘲

六十年前一冷衙錄事 今被某部邀去抄錄雜件 白髮垂垂 再作馮婦 不禁失笑

六十年前煮字傭 白頭馮婦應抄工 簪花豈有描眉手 爭道聊充舁糞翁 如此黔驢真末技

何來意氣屬英雄 頽唐我亦楊瘋子 檢點春蚯盡死蟲

訪雲桂詩凡問疾談詩竟日

僞體頑軀七不安 移樽雲桂問溫寒 嘗聞杜律能欺瘡 會看金針可愈癰 兩碗麵條堪裹腹

三千弱水欠波瀾 起生變雅天人業 極目關山路亦艱

乙卯中秋鳳城酒會 晤學弟羅子憲先生

滄海橫流七十載 鳳城弟子幾人存 天涯共飲一江水 日暮相逢衆客船 淺淺師門留雪印

蕭蕭墓草帶寒煙 白頭相賞終緣份 同看今宵大月圓

炕芋

豈是田園夜有詩 紅磚圍火炕蹲鴟 一人赴死吾何惜 數命求生又托誰 小節菱菱偷野芋
淺儒戰戰委溝泥 三年惡活梁夫子 豈是清芬能慰饑

止遊

古人六十不登攀 籬繞牽牛屋種蘭 樹影縱橫天子劍 雲容曼衍女神鬘 略留夢裏桃花水
聊補平生鐵鎖關 滄海一瓢人亦倦 歸來且看夕陽山

詠史 一

亂世雙雄魔亦聖 千秋功罪問漁樵 九州青鐵無私器 萬里紅塵盡怨簫 王霸沈渣浮近水
風流人物看今朝 奇疴藥要連湯換 誰信春風問柳條

詠史 二

黃巾不裹裹紅綢 天下蒼生苦未休 莽莽沙場奴隸血 沉沉好夢冕冠猴 江山來日吾家物
冀土當年萬戶侯 聊爲龍孫嗤兩蟹 英雄無種看刀頭

讀弘一上人集

書載上人臨終作偈 「華堂春滿 天心月圓」 語畢圓寂

萬寂靈光起 千憂集一衾 如何天地外 更有雪峰尋 棄置風花業 推開山水琴 結茅
春尚遠 圓缺證天心

爲花洲詩社題賀歲詞

乙亥歲杪 敝社有南雄之行 珠璣梅雪 思古幽情 感賦之餘 並向海內諸君子致意
梅花萬樹嶺南魂 五百年前鄰里親 欲折一枝難盡意 天涯香雪故鄉春

和陳永正教授五九生日自壽詩

忘年吾愧七加九 未抵先生自在身 天賦有情成世界 人偏多恨等輕塵 名園底事盈枝果
老屋當年得樹因 且上青山觀日落 桃符何夕換王春

附、陳永正教授原詩

世上無端出此人 忽驚石火夢中身 五洲羣願千年壽 大字星如萬點塵 修短在天原有意 枯榮於我
究何因 明朝恐被黃花笑 甲子書來又一春

熊鑒先生寄贈吟草一冊 頗有感觸

混世有魔 救世無主 萬載長河 魚龍風雨 伐罪吊民 民終叫苦 濟濟賭徒 各投豪
注 勝則爲王 敗則爲虜 仲子漆園 聖人多詛 好自爲之 上上無語 痛極呼娘 痛
定忘記 也詠風花 也談低趣 苦海無邊 死生有數 蚩蚩一氓 玄真獨訴

七六初度

舊雨樓頭七六卮 流光草草愧嘉詞 吟安一字如添壽 蔬食三餐學減肥 有味生涯殊不惡
無邊風月恐成癡 天家大馬餘皮骨 七六征途未盡非

珠桂

珠桂撐持賴婦辛 天堂曾不預頑民 街頭熱土還餘氣 巷尾寒花漸委塵 莽伏五湖驚旦夕

神遊獨域尚逡巡 遼東劫後重歸鶴 五飽三饑已感恩

報陳雪軒

靈簫夜夜起茶山 浩蕩奇愁花月閑 筆掃千軍惟鐵漢 鋼經百煉作金環 萬方風雨清溪淺
一士狂狷白屋寒 燈火闌珊聞苦調 今宵無夢到邯鄲

奉題雲桂韻語四首

韻語悲歡字字真 枚郎七品石榴裙 長安市上秋風客 如此性靈不乏人
落落衾期笑步兵 亦禪亦墨九流兄 西山誤識車漿客 絕代風花有市聲
事有難言夢有徵 幾多心史墮銀瓶 憑欄目送飛鴻遠 水闊山長覓友聲
無名天地衆芳遲 先占春風橘杏知 悟道料從雲隱後 只題韻語不名詩

某大邑名家賜以詩詞一卷 欺心請正 謹答卻寄

殷殷詢我鏡磨磚 富貴山人結俗緣 字外有情通性命 詩偏無理異巵言 我之面目輸千古

君也風流再十年 一握竹枝難敵體 采歸還是置廚邊

讀邱逢甲嶺雲海日樓詩集

金馬鼓聲經斷聞 列松編竹故將軍 誰揮涕淚新亭客 獨愧瀛洲舊主人 南海波濤歸一卷
東江才子又多君 何期天塹音書絕 卻是龍門兩弟兄

參觀小欖菊花會

據云此菊花會六十年一屆

花甲遙遙得願償 昇平花事又登場 真疑夢入羣香國 忘卻來前劫火鄉 菊有芬芳人有壽
年逢好景我逢康 重來已是兒孫事 莫惹閑愁便斷腸

春光

文革中農村小景

春光九十去無痕 忽見瓶花吐幾分 慰我略添生活意 壓人無奈死靈魂 樹頭風送太陽讚
村社狂呼救世君 詭異有徵驚草木 今宵上演又何神

六言七首

其一 布帆無恙歸來 諳盡江湖情味 他生能會神山 夕陽紅在船尾
其二 長安走馬無花 可憐壯士思家 夜夜月明千里 依稀大地龍蛇
其三 斷橋殘雪依然 故國梅花入夢 羅浮若有神仙 早已桑田改種
其四 月墜江潭憶柳 斜陽故院傷槐 已是白頭零落 何堪錦字成灰
其五 萬載長河落日 荒煙蔓草一塵 何必苦尋名姓 江山曾有斯人
其六 不悲攜手時短 只恨此身長留 從今三百六日 無花無酒無憂
其七 此間別有天地 月明雞犬相安 十載小樓三夢 恐非風雪家山

三月

不誦楞嚴不問禪 菜根有味便安眠 竈頭數米寒家業 石面栽花絕世緣 深憾靈台無淨土
時飛幽恨上吟箋 嶺南三月春如海 爭說風長好趁船

丙子春節奇寒

半紀周星一蝶遙 驚逢凍雨又春朝 迷茫煙柳小姑渡 瑟縮行人大板橋 慚愧綈袍辭苦歲
撐持風燭迓寒潮 何堪二十年間事 澈骨奇霜六月飄

莫說

莫說長安去住難 眼前春水即桃灣 一身是客忘恩怨 九死回頭帶笑看 柳岸風高應繫艇
江樓月上好觀瀾 堪憐精衛勞心力 化盡蟲沙海始乾

亂彈四首

觸緒無端 語無倫次 不求人知 但爲我語

其一

莫問君平路近迢 江南行盡有明宵 山妻新折長亭柳 老漢橫吹尺八簫 適意難逢大月上
惡心每遇小侯驕 故人不隔湘江水 怎得春風一夢遙

其二

泉石膏肓擲筆難 徒憑杯酒強加餐 油鹽柴米真無奈 秋月春花屬有閑 欲上神山尋淺遯

每窺滄海怯深寒 狂奴病句求時睡 此是靈方續命丹

其三

華胥昨夜太朦朧 誤闖巫山十二峰 魔界每多救世主 生涯亦是可憐蟲 偶憐楊柳傷心綠 不抵宮花著意紅 孩子老婆同暖炕 已忘少日老鄉風

其四

百年畫卷上河清 霧眼今年份外明 舊巷牆空難餓燕 新堤柳密但聞鶯 漏船不載九流譽 高帽難忘四毒靈 脂血萬金酬一笑 美人如玉氣如蒸

獲某小地文學獎一笑

文章豈作稻粱謀 游戲名場好便收 不是昨宵風色詭 怎能今轍土中留 人皆有域供馳馬 我早無繩可玩猴 奪得美人還帶桂 阿翹幸誕古神州 【翹讀下平聲】

賀一夷仁棣獲縣書法金鳳獎一等並勉之

廿年甘苦只心知 鳳翥雲霄合有時 一事囑君須記取 桑叢不是最高枝

遊寒山寺

江南花草六朝山 乍聽吳姬軟語蠻 兩岸炊煙楓火樹 一泓春水鐵鈴關 烏啼不覺市朝換
露冷方知歲月難 束髮讀詩如昨歲 滿頭鹽雪訪張還

於三峽輪渡中

秋風三峽怒 夕照一帆明 滿座滄桑客 斯人醉醒情 女神濃霧隱 白帝與雲平 十載
陰陽界 何驚到鬼城

詠竹

懶人始種竹 君子兩堪疑 葉落非關雨 花開不入時 清音聞破節 輕命豈爭肥 可惜
纍纍實 難療臣朔饑

和公望辛未九日

劉郎才絕世 公望敢題糕 日落風掀帽 潮來海有濤 又逢九九數 漫醉三三醪 返顧